

蒲圻縣志

祥異

古者列邦皆有太史自分至啟閉登觀臺以書雲物凡祲祥之兆有則必書縣邑無史官謹與特書者

國朝

列聖相承兢兢業業無非敬天勤民用襲休祥而弭災
沴則方隅所載胥

睿慮攸闕詳錄之以備太史氏采而掇焉志祥異

明

蒲圻縣志卷三 祥異

洪武二十六年六月十五日縣南團村天晴將午空中
聲如轟雷驚二三里居民見田野中水騰沸火之乃止
往視之見一竅約四五尺掘之得一石大如酒注色青
黑狀類狗頭蓋星隕所化

永樂十九年正月朔縣東北西良湖近所
有深淵名石潭是日風浪恬息有婦人出汲見一物橫亘湖
以長不可度衆往視之乃龍也火而始沉其年是方大疫

正德三年大水
四年大旱

五年蝗食松盡死

嘉靖二十三年大旱斗米千錢

萬曆三年三月蒲之西江得古磚一窰知縣胡其高夢有雷文祥者與言建城事亡何父老於西江獲古磚上有見夢者姓名風聞當途相詫靈異

四月朔日晝暝獸奔鳥亂

四年地大震

十六年大旱禾稼盡枯

十七年大旱赤地竟邑

二十九年正月朔日城內火災比屋延燒四面煽起灰燼幾半

三十年五月有虎子入城是年大水龍挾九子妖蛟不戢地陷山崩陵谷失位

蒲圻縣志卷三

祥異

二

三十三年春二月地震

三十六年夏江豚入山河巨浸稽天市中使船如使馬人畜溺死者無算

三十八年三月初六日天鳴

五月大旱

四十五年夏大旱知縣宣大勲訓導陳天街禱雨有應四十八年產瑞竹多處似雕鏤龜文

天啟元年十月初五日天雨黑子狀如黍亦如菽食之味甘 十二月鹽價騰涌每包七錢

二年二月二十五日大風拔木屋瓦咸飛大雨雹

五年大饑穀貴七月雨雹

崇禎元年戊辰十月三十日羣龍鬪於空中江河魚鱉盡死

十月內外樹介

考晉書武帝朝十一月陰霧凝冰封樹木每日不解范曄以為木少陽也木先寒故得雨而冰謂之樹介介兵象也

二年大旱

四年四月二十一日夜雨冰

七月十八日寅時地震空中蓬蓬有聲室廬如蕩舟搖旆至十月十二日丑時復震

十二年大蝗冬十月晝暝路人失措鷄犬驚散五刻始復冬十一月桃李盡花穀價每石一兩

十四年春大疫秋蝗蝻蔽天所過稻粟一空

蒲圻縣志卷三

祥異

三

十五年春大疫哭泣之聲比戶相聞

十六年秋七月十一日流寇張獻忠陷城知縣曾棫死之白骨山積屋廬灰燼者大半

國朝

順治二年闖賊寇蒲盤踞鄉市積三閱月燒殺殆盡五月

國朝王師臨楚六月委官至蒲安撫殘黎復睹太平大有年

三年旱

四年大歉穀價每石二兩

九年夏大旱秋九月始雨蕎粟熟

十年大歉穀價每石二兩民食蕨根

十八年大有年

康熙元年壬寅大有年

二年大水

王師征勦西山運米背夫死者甚眾

四年乙巳大有年

八年四月十四日太風屋瓦皆飛樹木盡折江河溺死者無算

九年夏大旱知縣張圻隆禱雨有應有碑秋大水冬冰

雪積五旬始解黎民凍餒

十年夏四月蟲食苗既五月大旱赤地千里百姓哀

蒲圻縣志卷

祥異

四

號多襁負逃散者至十月始雨

十一年夏四月麥熟秋七月蟲食稻日伏水中夜食苗

稼殆盡是年多雨

十四年大稔時兵車絡繹而米價甚平

十五年夏秋大水

十七年我師破賊流亡轉徙者歸集

十八年旱

二十一年秋大水

二十三年大稔

二十四年大水

二十五年穀貴

二十七年穀貴

二十八年旱

二十九年饑

三十年大有年

三十三年旱

三十五年大水

三十六年大有年

四十年大有年

四十四年大水

四十五年春夏大疫

四十七年大水穀貴民復病疫

蒲圻縣志卷

神異

五

五十三年秋旱

五十四年夏蟲麥秋大熟

五十五年大水城市行舟低田盡淹沒

五十七年大有年

五十九年六月大水

六十年秋多虎

雍正元年秋旱鹽貴

三年秋旱痢疾盛行穀貴

四年大水

五年春夏大水沒城長堤決麥無收穀貴每石一兩餘
郡守臨縣撫綏饑民

六年春夏民病疫秋大熟

七年夏蟲災

十年大有年

十一年麥大熟

十二年三月八日大雷電雨雹土礮團騰蛟壞民田廬

十三年旱

乾隆元年大有年縣民錢

之妻一產三男

二年大有年

三年秋七月旱

四年夏五月旱

七年大水

蒲圻縣志卷三 祥異

十三年大有年

二十九年水

三十二年水 據冊檔

三十四年水 冊檔

四十二年有年麥雙歧

湖北巡撫 臣 陳輝祖

奏為恭報二麥豐收雙歧麥成事竊照本年入春雨水勻

調麥苗襍糧俱極暢茂茲屆孟夏據各屬稟報二麥現
在先後刈穫收成均有八九分通省豐稔容俟遵例彙

核

題報又據司府轉據蒲圻縣知縣何光晟稟該縣萬壽庄

鄉民祝其源家於刈麥時見有雙歧之穗撿取多莖呈
驗前來臣伏查宿麥如雲滋茂嘉苗匝地標奇皆

國家景運昌明盛事乃者我

皇上下大孝純誠永懷私慕體

深宮堯舜之仁蠲復恩周於蔀屋被

累葉和甘之兆豐亨福錫於黔黎垂慶自天湛恩載地閭

閭蒙

澤草木含膏因之感先百穀上慰

宵旰之憂勞是以秀發雙歧共載

仁慈之德化伏爲

皇上聖德淵冲不言符瑞現擬農民呈報臣不敢壅於上

蒲圻縣志卷

祥異

七

聞理合恭摺具

奏並照麥穗繪圖進呈

御覽伏乞

睿鑒謹

奏奉

硃批知道了欽此

四十三年旱災

四十六年旱

四十七年水

五十年旱

五十三年水

五十九年歲大熟

嘉慶元年大有年

三年邪匪滋事勦平之歲有秋

七年大旱

十六年大旱

十八年大有年

十九年有秋

二十一年除夕大雪瓦上有人足跡

二十四年城內火

道光元年辛巳有秋

三年大稔

蒲圻縣志卷三 祥異

十一年大水

十二年水大疫

十五年旱知縣勞光泰禱雨有應勒霖雨頌碑秋有蝗
冬大雪

十六年丙申大有年

知縣勞光泰捕蝗記附

捕蝗不如捕蝻捕蝻不如滅種此史茂說也若泰於

蒲圻則力多捕蝻蒲圻多山樹茂密石壁立人不得

上往年飛蝗停落之處有遺種嘗設法掘之不能盡

於是定為捕蝻之法以待稽蝻之始生形甚小相聚

成堆若牛糞然視之微動以一束薪燒之立滅越數

日卽能躍見其躍而薙草以燒之亦可立滅惟在能伺之而已於是畧仿古團練法令邑內四十四團保甲各舉業長數人或數十人以一二公正紳士領之就其中田地每畝量抽錢五六文分儲備用而日僱數夫周行巡視復傳諭牧童樵婦有能察出以報者給數錢賞之捕如前法或蝻經大躍廣至數里則許各業長保甲按戶抽夫分隊業長領之前行如列戰法以半夫薙草半夫持竿撲捕已乃焚去其有不出夫及出夫而不盡力者罰無赦約既定而上寺一團已有蝻萌生矣時甫三月旣與業長依法燒之迨四月十八日白石團復有萌生亦燒之四月杪上寺方

蒲圻縣志卷三

祥巽

九

橋來山官田石坑等團山上均有萌生秦惶恐手足無措幸早備之而官田石坑來山三團均與如法燒滅惟上寺團則蝻在峭崖之上不能捕乃於昏夜時燃薪其下蝻望光投火自焚晝則伺其躍下掩捕如是者數晝夜蝻盡滅忽五月初十日車埠團集飛蝗業長急率夫捕之投之火中蓋能捕蝻因能捕蝗而遺種亦已滅矣詩曰田祖有神秉畀炎火其謂此乎是歲幸大熟而秦仍有餘恐也故記之

二十一年崇邑之變擾及蒲圻知縣蕭蔭恩率城紳民固守官軍至事平

二十四年有年

二十五年大有米價平

二十六年有年

二十八年七月暴雨溪水漲高數丈歲歉

二十九年大水城市舟行漂沒田舍無數歲大荒米價

石值六緡有奇民食蕨根觀音土出糴常平倉

咸豐元年麥穗兩歧

二年十一月粵匪陷蒲知縣周和祥及縣丞張汝琛與

史何耿千總胡起太皆死之同時將弁兵勇及城紳

民殉難者千餘人庫署倉廩驛馬焚劫一空廟宇民

房燬半越宿賊去十二月知縣孫守信蒞任招徠難

蒲圻縣志卷三祥異

民勤撫之

三年六月日中塵湧如飄雪

四年正月粵匪寇蒲誘集流亡遍邑蔓延搜括民財幾

盡民望官軍如時雨

六月彗星見

七月大軍至復蒲城知縣孫守信督率邑紳集團練

勦撲竄匪千餘人

五年二月粵匪復寇邑廩生賀壽椿等帶團勇禦之及

沙子嶺與賊交鋒眾寡不敵壽椿遇害時賊勢披猖

搜殺居民三日河水盡赤被擄者無算盤踞城鄉民

不聊生城內房舍十存二三知縣孫守信駐新店督

率練勇以邑武生汪士哲爲隊長屢攻賊不克
九月鄰境賊奔聚蒲城約七萬餘十二日方伯羅澤
南由豫章進勦遇賊於洋樓司三戰三捷二十一日
復與賊戰於城西之鐵山自旦至晡前隊楊載佑等
戰死方伯鼓聲愈振奮力進戰連破賊壘屍填山谷
城中賊宵潰汪士哲首登陴投署本邑千總知縣李
炎茫任十一月餘匪復集教諭黎鴻漸死之同時被
害者百餘人

六年粵匪踞蒲知縣李炎駐新店千總汪士哲與王道
平等帶練勇屢野戰不克道平陣亡
是年大旱有蝻

蒲城縣志卷

三祥異

十一

十月官軍克復武昌賊遁

七年城內居民漸集

早飛蝗蔽日是年有蟲食松藥殆盡

捕蝗法附一捕初生之蝗蝗子初生微細如蟻色
黑蠕動依草根團聚成片大如掌或如扇魚鰕化者
亦然三數日內躍不甚遠以足蹴之則驚散旋復聚
再蹴之無瞧類矣捕之之法編竹枝爲巨帚隨在撲
之用力少而得效多夜以草薪燃火置其旁皆相逐
投入無得免者又蝗子初生驅羣鴨赴之頃刻食盡
一捕漸長之蝗蝗生逾七日逐隊求食自北趨南且
食且行捕之之法相其地勢與蝗至多寡之勢或接

溝圍之或接挖長溝堵之溝寬尺許深二尺許溝形
陡峻光滑勿令跌入者得緣而上溝間逾丈挖一深
坑稍遠再挖巨坑皆以人守之蝗至稍緩則於溝之
北以巨帚驅之蝗大至如潮湧頃刻溝坑皆滿踰溝
如履平地矣急驅入坑覆以土更挖大小坑以待夜
置火溝坑中亦能引蝗投入 一捕能飛之蝗蝗生
逾二十一日翼成能飛其來蔽天視禾稼或芻薪豐
茂處相隨棲止逾時復飛亦自北而南蝗巨且眾或
被食盡或被齧損其害尤烈捕之之法何晨露未乾
及日午或停或交併嚮晚停飛之時旋驅旋起飛不
能遠則就而撲之夜列炬隴旁俟其投入就而撲之

蒲坑縣志卷三 祥異

十一

又蝗性畏金鼓畏鎗爆待其將至而發則懼不敢下
隴頭多種旗幟或以紙爲之亦畏不敢下又蝗性畏
油入口卽死小戶田禾無多取油和水灑禾葉上蝗
遇之則飛去

蝗飛將至熱薪蒸煙起蝗卽避去

一捕未生之蝗蝗

遺子入土必於土質堅實之處羣飛羣止以尾鑽入
初如蜂窩久之形迹漸泯故飛蝗經過之後急宜查
挖子初遺如麥門冬而小相連數粒久之每粒各成
百子埤雅言九十九子七修類藁言八十一子或多
或寡傳聞異辭也捕之之法挖而露之撲而碎之其
勢甚便夏秋子入地十數日而生秋冬之交至次年
春夏乃生冬大雪則凍壞不復能化子初入土遇大

雨亦能漲損此皆言蝗遺子也若魚鰕子化者亦有
冬春水涸湖灘草根類爲焚燬之法雖不能徧亦未
必無補也

八年彗星見於西北

十一年五月粵匪竄蒲踞城一月聞官軍至遂遁去

八月十五日華

十二月大雪平地深五六尺道迷行人有陷壑坑中
死者野獸凍死無數湖河皆冰

同治元年有年

四年四月游勇叛掠東北境汀泗大貴雙坵石鏗均被
擾

蒲圻縣志卷三 祥異

十三

麥兩歧夏旱繼水溢秋穀貴

蠲賑

明

嘉靖二十三年甲辰秋九月賑災

通志按舊志知縣李桂賑

天啟五年署縣曹應聘賑

舊志

國朝

順治九年壬辰夏五月大旱蠲免本年錢糧十之六

通志

按舊志知縣戴成名請蠲奉旨蠲免本年田租十分之四邑人張拱壁出谷千餘石設粥哺濟

十八年辛丑夏五月賑卹有差

通志

康熙三年甲辰官兵剿西山賊李來亨等役民夫運米

多有死者至是賊平蠲免丁錢糧

通志

蠲免本年錢

糧十之三

志稿

蒲圻縣志卷

蠲賑

四年乙巳秋蠲賦賦穀如泥農民苦之蠲免本年田賦

十之一

通志

九年庚戌知縣張圻隆捐俸賑救

舊志

十年辛亥蠲免康熙六年前地丁錢糧

湖北通志

秋免

本年錢糧十之三

志稿按舊志知縣張圻隆請蠲請賑上委通城知縣丁克揚勘災奉旨

蠲免本年田租十分之三知縣張圻隆仍發廩捐俸賑之民以全活

二十五年丙寅蠲賦先於二十四年奉

詔蠲免湖北二十五年錢糧一半二十四年錢糧全行豁免

志稿按舊志免秋糧

二十七年戊辰奉

上諭豁免康熙十七年以前民欠漕項銀兩米麥有差

湖南通志

按舊志免地丁錢糧

二十九年庚午武昌等三十五州縣饑賑穀共八萬二百二十八石有奇又米九萬五千八百五十六石有奇

舊通志按舊志是年發賑

五十一年壬辰蠲免地丁錢糧及歷年舊欠

舊通志

雍正五年丁未奉

旨將本年錢糧全行豁免已經完納者准作雍正六年應完之項

通志聖制

八年庚戌奉

旨蠲免額徵錢糧

通志聖制

乾隆元年丙辰奉

蒲圻縣志卷

蠲賑

二

上諭將未經攤減之丁銀全行豁免

通志聖制

十年乙丑奉

上諭將乾隆丙寅年應徵錢糧通行豁免一次

通志聖制

三十一年丙戌奉

上諭全行豁免漕糧一次

通志蠲卹

三十五年庚寅奉

上諭蠲免地丁錢糧一次

通志蠲卹

四十二年丁酉奉

上諭蠲免地丁錢糧一次

志稿

四十三年戊戌冬十月奉

上諭蠲免漕糧一次

通志蠲卹

四十四年己亥於正賑畢加賑一月口糧通志
五十年乙巳奉

旨特發帑金賑卹

五十九年甲寅奉

上諭蠲免六十年漕糧一次通志

六十年乙卯奉

上諭蠲免嘉慶元年地丁錢糧一次通志

嘉慶元年丙辰奉

旨未經被賊被水各縣應於丁巳戊午蠲免二次

二年丁巳春正月奉

恩詔普免又蠲緩應徵錢糧

三年戊午春正月奉

恩詔普免

四年己未給修房屋銀

七年壬戌緩帶節年錢漕等項

八年癸亥春正月欽奉

恩詔蠲免民屯正耗錢糧一分又地丁錢糧全行豁免通志

嘉慶十二年欽奉

恩詔是年下忙錢糧漕南二米一併緩徵

嘉慶十六年欽奉

恩詔是年下忙錢糧漕南二米一併緩徵

嘉慶二十五年欽奉

恩詔是年漕南二米全徵下忙錢糧緩至道光元年秋後帶徵

道光十一年辛卯欽奉

恩詔是年近水之官橋汀泗郭連池江坪下方橋馬獅黃龍車埠楓橋龍坑小栢淇山官田新店劈精斗門白駒黃土一十九團下忙錢糧及漕南二米緩徵因節年水災欽奉

恩詔所有十一年被水錢漕俱緩徵

道光十五年乙未欽奉

恩詔漕南二米分別輕重緩至十六年帶徵

道光二十九年己酉奉

蒲圻縣志卷二 蠲賑

四

旨特發帑全賑卹

咸豐元年辛亥欽奉

恩詔蠲免道光三十年以前民欠錢糧雜稅

同治元年壬戌欽奉

恩詔蠲免咸豐九年以前民欠錢糧雜稅

同治三年甲子欽奉

上諭蠲免咸豐十一年以前民欠錢糧雜稅